



EAF SME-Poboljšanje pristupa malih i srednjih poduzeća financijskim sredstvima



EAF SME-Enhancing SME access to finance project



INFORMACIJA O TOKU IMPLEMENTACIJE PROJEKTA prosina 2011. godine

Opis Projekta

Ugovorom o implementaciji Projekta, Federacija Bosne i Hercegovine, zastupana putem Federalnog ministarstva finansija / financija, implementaciju Projekta EAF SME povjerila je ovoj Fondaciji.

Federaciji BiH pripada 28,7 miliona EUR. **Projekt će se provoditi tokom fiskalne 2010-2014 godine.**

Kroz početnu implementaciju ovog Projekta, a na osnovu inicijativa poduzetnika, njihovih udruga, te prijedloga poslovnih banaka, predloženo je proširenje supsidijarnog financiranja i na podprojekte iz sektora koji nisu prvobitno bili obuhvaćeni. Tim Svjetske banke se usuglasio sa predloženim. Na 10. sjednici Vlade Federacije BiH, održane u Sarajevu 14.06.2011. godine, ova inicijativa je prihvaćena.

Prema tomu, odmah se krenulo sa primjenom ove inicijative, te je supsidijarno financiranje prošireno i na druge sektore u cilju disperzije ove kreditne linije i bržeg povlačenja i utroška sredstava kredita. Na osnovu dogovora sa pristiglom Nadzornom Misijom WB i naših dogovora, te usuglašavanja sa strategijom Vlade Federacije BiH u ovoj oblasti, obavijestili smo komercijalne banke, krajnje korisnike i širu javnost o znatno povoljnijim uvjetima supsidijarnog financiranja iz ove kreditne linije.

IMPLEMENTACIJA

Kamatne stope

Marža FMF koja pokriva varijabilni spread, povezane rizike i provođenje projekta, prema komercijalnim bankama je 1%. Šestomjesečni raspon kamatne stope LIBOR za EUR-o.

Izračun za period 15.06.2011 do 14.12.2011. godine Euro LIBOR 1,69 %.

Banke će prema krajnjim korisnicima uključivati i svoju maržu.

Marža treba da bude zasnovana na tržišnoj vrijednosti i da pokriva i kreditni rizik banke.

Na osnovu dosadašnjih praćenja kretanja marži na nivou ovog Projekta, definirao se dosta ujednačen pristup. Bankovne marže su značajno niže u odnosu na prethodni period i u većini slučajeva kreću se od 2,5 do 4 %.

Banke u Projektu

Akcija potpisivanja Ugovora o supsidijarnom financiranju sa odabranim poslovnim bankama završena je potpisivanjem Ugovora sa Raiffeisen bankom 19.11.2010. godine. Prema tomu, potpisani su Ugovori sa osam banaka. Bor, BBI, Itesa SP, NLB Tz, Raiffeisen, Unicredit, Volksbank, Nova banka BL.

Sparkasse bank je ispunila uvjete da se priključi implementaciji ovog Projekta. Tokom rujna tekli su pregovori na Ugovoru o supsidijarnom financiranju. Pregovori su završeni i Ugovor je potpisan 24.10.2011. godine. Sparkasse je pripremila tri kreditna zahtjeva.

Kreditni komitet

Komitet je i službeno počeo sa radom 09.11.2010.godine. Kroz svoj rad na 14 sjednica, Kreditni komitet je odobrio 74 kreditna zahtjeva za podprojekte u vrijednosti 49,4 milion KM.

Aneksi za podprojekte

U Tabeli broj 1. **Dnevni izvještaj**, navedeni su odobreni podprojekti po bankama, sa potrebnim informacijama.

Zaključno sa 01.12.2011.godine, na osnovu Zahtjeva za povlačenje sredstava za tu spomenute podprojekte izvršene su isplate u visini od 38,0 miliona KM.

Nadzorna misija

Misija Svjetske banke posjetila je Bosnu i Hercegovinu početkom ovog tromesečja (04.07. – 07.07.2011. godine).

Tim je konstatirao da je napredak na Projektu stalan. Dogovoreno je da treba nastaviti raditi na tome da isplate do kraja godine budu u iznosu od 15 miliona EUR. Kako je evidentno taj plan smo ostvariti u toku listopada 2011.godine.

Početak studenog u posjeti Bosni i Hercegovini je bilo izaslanstvo Svjetske banke, na čelu sa direktoricom i regionalnom koordinatorkom za zemlje jugoistočne Europe, Europe i središnje Azije, *Jane Armitrage*. Osim sastanka sa vladinim dužnosnicima, gđa Armitrage je posjetila dioničko društvo Fer plast u Sarajevu. Ova kompanija je preko BBI korisnik kredita iz našeg Projekta EAF SME. Zadovoljna je „uvidom u realni sektor“ i smatra da se sredstva kredita vrlo uspješno implementiraju. Iskazala je želju da u slijedećoj misiji posjeti više kompanija iz različitih sektora.

Operativni priručnik je usuglašen sa nedavnim promjenama i po svemu sudeći trenutno nema drugih zapreka za ostvarivanje planiranih plasmana kreditnih sredstava. Preostalo rješavanje **Procurement thresholds** je okončano potpisivanjem Amandmana na Kreditni sporazum 22.10.2011. godine. Prema tomu nabavke i radovi ispod 1,3 miliona EUR neće podlijegati obavezi provođenja međunarodne nabavke po procedurama WB.

Promocija Projekta

U nastavku naših aktivnosti, usporedo sa pripremom obrade zahtjeva banaka, održane su akcije upoznavanja javnosti sa Projektom, kao i više sastanaka sa predstavnicima banaka učesnica u Projektu.

S ciljem boljeg i permanentnog informiranja javnosti i transparentnosti, na Web seite Fondacije OdRaz formirana stranica za ovaj Projekt se stalno abdejtuje sa novim informacijama.

U organizaciji Svjetske banke obavljena je 22.09.2011. godine posjeta Hrvatskoj banci za obnovu i razvitak – HBOR i Uredu WB u Zagrebu. Razmatrane su teme koje su prethodno usuglašene:

- pozicioniranje kreditne linije na tržištu,
- promotivne aktivnosti,
- komunikacija za komercijalnim bankama i načini na koji su kreditni referenti predstavljali projekt klijentima,
- načini i najbolje prakse direktne komunikacije sa potencijalnim klijentima, privrednim udruženjima.

AKTUALNO

Iz povrata plasiranih kreditnih sredstava formirat će se **Revolving fond**.

Revolving fond će predstavljati dugoročni instrument Vlade Federacije BiH za podršku gospodarskog razvoja. Ovim putem će se gospodarskim subjektima olakšati pristup finansijskim sredstvima potrebnim za realiziranje njihovih poslovnih aktivnosti.

Na prvoj sjednici Upravnog odbora Fondacije OdRaz, predloženo je da Federalno Ministarstvo financija uputi Vladi Federacije BiH prijedlog o donošenju Odluke o korištenju sredstava Revolving fonda uspostavljenog u okviru Projekta EAF SME.

Stanje računa Revolving fonda na dan 30.09.2011.godine je 728.336,06 KM, plan priliva po projekcijama do kraja godine je 1,5 miliona KM.

Kriteriji koji su propisani u projektnom dokumentu bi se zadržali i u odobravanju sredstava iz Revolving fonda i trebali bi se dopuniti slijedećim:

1. Federalno ministarstvo financija može dopuniti spisak podobnih banaka koje mogu učestvovati u korištenju kreditnih sredstava iz Revolving fonda,
2. Minimalni iznos kredita je 50 tisuća KM, a maksimalni iznos je 500 tisuća KM.

Prijedlog Odluke u prilogu.

Osiguranje dodatnih sredstava, (iz istih ili drugih izvora) u kreditni fond Projekta EAF SME.

S obzirom da će, prema postojećoj i planiranoj dinamici plasmana kreditnih sredstava krajnjim korisnicima, raspoloživi fond od 28,7 miliona EUR, biti realiziran najkasnije do početka veljače 2012. godine, potrebno je blagovremeno pokrenuti postupak osiguranja dodatnih sredstava kako bi se izbjegle sve negativne posljedice izostanaka podrške malim i srednjim poduzećima iz okvira ovog Projekta.

Do početka studenog ove godine pet komercijalnih banaka je, na osnovu svojih projekcija do kraja godine prijavilo potrebu za još 18 miliona KM dodatnih sredstava.

Izvršni direktor
Miroslav Trezner